

BOSNA I HERCEGOVINA
AGENCIJA ZA POŠTANSKI PROMET
BOSNE I HERCEGOVINE



01,02-50-19
BOSNA I HERCEGOVINA
АГЕНЦИЈА ЗА ПОШТАНСКИ САОБРАЋАЈ
БОСНЕ И ХЕРЦЕГОВИНЕ

VIJEĆE/SAVJET AGENCIJE

Broj: 01-02-1-07-5-154-4/12 i br: 01-02-1-16-1-89-5/12
Datum: 30.03.2012. godine

BOSNA I HERCEGOVINA
PARLAMENTARNA SKUPŠTINA
Generalni sekretarijat
Trg BiH 1
71000 SARAJEVO

04-04-2012


PRIMLJENO: 04-04-2012			
Organizaciona jedinica	Klasifikaciona oznaka	Redni broj	Broj priloga
		01,02-50-19-467/R	

B

PREDMET: Dostava Izveštaja o radu i finansijskog izvještaja za 2011 godinu.

U skladu sa članom 10. Stav 9. Zakona o poštama Bosne i Hercegovine („Službeniglasnik BiH“ broj, 33/05), u prilogu vam dostavljamo Izveštaj o radu Agencije za poštanski saobraćaj BiH i Finansijski izvještaj za 2011 godinu na razmatranje.

S poštovanjem,



PREDSJEDATELJ VIJEĆA AGENCIJE

Eduard Šakota dipl. ing.

Prilog:

- Izveštaj o radu 1 x 3,
- Finansijski izvještaj 1 x 3,
- CD.

Dostavljeno:

- Naslovu,
- CO-Savjetu ministara BiH,
- Ministarstvu komunikacija i saobraćaja BiH,
- a/a

**BOSNA I HERCEGOVINA
AGENCIJA ZA POŠTANSKI PROMET
BOSNE I HERCEGOVINE**



**БОСНА И ХЕРЦЕГОВИНА
АГЕНЦИЈА ЗА ПОШТАНСКИ САОБРАЋАЈ
БОСНЕ И ХЕРЦЕГОВИНЕ**

**IZVJEŠTAJ O RADU
AGENCIJE ZA POŠTANSKI PROMET BOSNE I HERCEGOVINE U
2011. GODINI**

**SARAJEVO, mart 2012. godine
br:01-02-1-07-5-154/12**

I. NAJVAŽNIJE AKTIVNOSTI, OSTVARENI REZULTATI U IZVJEŠTAJNOM PERIODU I STANJE U OBLASTI

1. NAJVAŽNIJE AKTIVNOSTI

Agencija za poštanski promet Bosne i Hercegovine (u daljem tekstu: Agencija) osnovana je Zakonom o poštama Bosne i Hercegovine (u daljem tekstu: Zakon), („Službeni glasnik BiH“ br. 33/05) radi obavljanja regulatornih funkcija u oblasti poštanskog prometa, kao nezavisna i neprofitna institucija sa statusom pravnog lica.

Nadležnosti Agencije su definisane članom 10. stav (5) Zakona, a Statutom Agencije je regulirano unutrašnje uređenje i djelokrug poslova, donošenje općih akata i ostala pitanja koja su značajna za funkcionisanje Agencije.

Uspostavom Agencije za poštanski promet Bosne i Hercegovine kao regulatornog tijela, pravno odvojenog i operativno nezavisnog od davaoca poštanskih usluga i kurirskih usluga, jedan je od osnovnih elemenata regulatornog okvira ustanovljenog Prvom poštanskom direktivom Evropske unije. Agencija je nadležna za obavljanje poslova određenih Zakonom a koji obuhvataju:

- Regulatornu funkciju u oblasti poštanskog prometa,
- Donošenje pravila,
- Izdavanje licenci,
- Saradnju sa domaćim i inostranim organizacijama i institucijama vezanim za poštanski promet,

Cilj spomenutog regulatornog okvira ustanovljenog Prvom poštanskom direktivom EU je postizanje jedinstvenog tržišta poštanskih usluga postepenim i kontinuiranim otvaranjem tržišta poštanskih usluga. Potpuna liberalizacija tržišta poštanskih usluga u Evropskoj uniji u skladu sa tzv. Trećom poštanskom direktivom usvojenom 2008 godine, predviđena je za kraj 2012 godine.

U izvještajnom periodu Agencija za poštanski promet BiH je preko Savjeta Agencije i organizacionih jedinica Agencije obavila niz aktivnosti koje se ogledaju u sljedećem:

- Sačinjen je Izvještaj o radu Agencije i godišnji finansijski izvještaj za 2010. godinu koji je usvojio Savjet ministara i Parlamentarna skupština. Za svoj rad Agencija je dobila i pozitivno mišljenje Ureda za reviziju institucija BiH, a Dom naroda PS BiH je usvojio izvještaj o radu Agencije;
- Izrađeno je Upustvo za prikupljanje finansijskih i statističkih podataka o obavljenim poštanskim uslugama poštanskih operatera za 2010 godinu;
- Obavljeni su kontakti sa javnim poštanskim operaterima i poštanskim operaterima oko primjene Općih uvjeta za obavljanje poštanskih usluga;
- Izvršeno je prikupljanje podataka o snimanju količina prenesenih poštanskih pošiljaka u međuoperaterskoj razmjeni iz aprila mjeseca;
- Prikupljeni su statistički podaci o fizičkom obimu obavljenih usluga od poštanskih operatera u 2010 godini;
- Vezano za nelegalno obavljanje poštanskih usluga od strane privrednih subjekata koji obavljaju rezervirane usluge (dostava računa), Agencija je organizovala zajedničke sastanke sa inspekcijama entiteta, na kome je istaknut značaj poštovanja Zakona i usklađivanja zakonskih propisa na nivou entiteta u pogledu inspekcijanskog nadzora;
- Izvršena je Analiza otvorenosti tržišta poštanskih usluga u prvom polugodištu 2011 godine sa predlozima za dalju liberalizaciju;
- Sačinjena je metodologija za prikupljanje podataka o ukupnom prometu poštanskih usluga kako bi se obezbjedila zajednička baza podataka za jedinstveno poštansko tržište;
- Agencija je u 2011 godini izdala 3 Rješenja o izdavanju licenci za obavljanje kurirskih usluga privrednim subjektima, na zahtjev jednog privrednog subjekta sačinjeno je rješenje o ukidanju licence za obavljanje kurirskih usluga;
- Agencija je u 2011 godini dala 10 saglasnosti za izmjenu godišnjeg programa poštanskih maraka od čega su:
 - JP BH pošti date dvije (2) saglasnosti za izmjenu godišnjeg programa,
 - Poštama Srpske date četiri (4) saglasnosti za izmjenu godišnjeg programa,
 - HP Mostaru date su četiri (4) saglasnosti za izmjenu godišnjeg programa.
- Na osnovu godišnjeg programa izdavanja poštanskih maraka JPO dato je 25 saglasnosti za 75 idejnih rješenja pojedinačnih izdanja poštanskih maraka, od čega je:

- JP BH pošti dato četiri (4) saglasnosti za 13 idejnih rješenja,
- Poštama Srpske, dvanaest (12) saglasnosti za 35 idejnih rješenja,
- HP Mostar devet (9) saglasnosti za 27 idejnih rješenja.
- Javnim poštanskim operaterima date su saglasnosti na godišnji program izdavanja poštanskih maraka u 2012. godini;
 - Na prijedlog Ministarstva inostranih poslova BiH, Ministarstvo komunikacija i transporta Bosne i Hercegovine je početkom godine pokrenulo inicijativu za obilježavanje 150 godina od rođenja Fridtjofa Nasena, izdanjem poštanske marke sa njegovim likom, te je od strane Agencije za poštanski promet BiH pokrenuta inicijativa za zajedničkim izdanjem navedene poštanske marke od strane javnih poštanskih operatera. Aktivnost je okončana 10.10.2011. godine promocijom zajedničke poštanske marke u Sarajevu u organizaciji Ambasade Kraljevine Norveške i uz sudjelovanje ambasadorice Kraljevine Norveške i direktora sva tri javna poštanska operatora u BiH;
 - Agencija je nakon prikupljenih informacija od Javnih poštanskih operatera dostavila 27 upitnika Ministarstvu komunikacija i transporta Bosne i Hercegovine;
 - Pokrenuta je aktivnost; po pitanju načina donošenja standarda za poštanske usluge od strane Instituta za standardizaciju BiH. Evropski standardi iz oblasti poštanskog prometa biće preuzeti od strane Instituta za standardizaciju BiH, nakon čega će isti biti obavezujući za primjenu;
 - Intenzivirani kontakti i održavani sastanci sa licencenciranim davaocima poštanskih usluga u cilju zajedničke saradnje pri daljem unapređenju stanja na poštanskom tržištu, kao i sa drugim relevantnim zainteresovanim stranama;
 - Donešen je niz podzakonskih i internih akata koji se tiču zakonitog funkcioniranja Agencije i implementacije Zakona o poštama Bosne i Hercegovine;
 - Predstavnici Agencije prisustvovali su: TAIEX seminaru na temu poštanske usluge, koji je Europska komisija organizirala 01. 12. 2012. godine u Briselu i 29. Simpozijumu o novim tehnologijama u poštanskom i telekomunikacionom prometu „PosTel“ 2011“ održanom 06 i 07. decembra 2011. godine u Beogradu na kojima je razmatrana programska tematika vezana za oblast poštanskog i telekomunikacionog prometa. Također, na međunarodnom planu, Agencija je u Sarajevu održala sastanak s predstavnicima PostEuropa na temu standardi kvalitete u poštanskom prometu.
 - Na osnovu dostavljenih elemenata finansijskih izvještaja (bilans stanja i bilans uspjeha) te analitičkog pregleda ostvarenih prihoda javnih poštanskih operatera od obavljanja poštanskih usluga u 2010. godini, a u skladu sa Zakonom i Odlukom o visini troškova za izdavanje licence i visini godišnje naknade za obavljanje poštanskih usluga, utvrđena je visina godišnje naknade za obavljanje poštanskih usluga za 2011. godinu;

1.1. PREGLED UTVRĐENIH NAKNADA U PERIODU OD - 2008-2011 godine.

Od perioda uključivanja Agencije u jedinstveni račun trezora 2008 godine, zaključno sa 2011 godinom vlastiti prihod je imao tendenciju rasta, što se može vidjeti iz tabele koja sledi:

Pregled fakturisanih vlastitih prihoda -	2008	2009	2010	2011	Indeks	Indeks
					2011/2010	2011/2008
	582.835.	643.497.	752.451.	793.332.	106%	136%

Iz tabele je vidljivo da se vlastiti prihodi agencije (program posebne namjene) od 2008 do 2011 godine konstantno povećavali, indeks povećanja u 2011 godini u odnosu na 2010 godinu veći je za 6% dok je indeks povećanja u 2011 godini u odnosu na 2008 godinu veći za 36%, što je rezultat angažovanja članov Savjeta Agencije i zaposlenih u Agenciji.

2. STANJE U OBLASTI POŠTANSKIH USLUGA

Tržište poštanskih usluga u BiH je liberalizovano izuzev u dijelu rezervisanog područja univerzalnih poštanskih usluga, a u skladu sa Zakonom o poštama BiH u daljem tekstu Zakon.

Urađena je dodatna liberalizacija u području ne rezervisanog dijela univerzalnih poštanskih usluga izdavanjem Općih uvjeta za obavljanje poštanskih usluga, tako što je definisano da rezervisane poštanske usluge nisu rezervisane ako im je cijena deset puta veća od cijene

običnog pisma prve srtope težine, odnosno u Odluci o tarifnoj politici koju je donijela Agencija sve nejasnoće po pitanju liberalizacije tržišta poštanskih usluga su u cijelosti razriješene u skladu sa Zakonom. Bez obzira što član 6 Zakona ostavlja određene dileme naprijed navedena, podzakonska akta su te dileme razriješila.

Na tržištu poštanskih usluga u BiH na dan 31.12.2011 godine egzistira 15 licenciranih operatera poštanskog prometa, od toga su tri javna poštanska operatera kojima je Agencija u skladu sa Zakonom izdala Ovlaštenje za obavljanje svih poštanskih usluga i 12 privatnih poštanskih operatera koji, na osnovu licenci koje im je u skladu sa Zakonom i pravilnikom o izdavanju licenci izdala Agencija, obavljaju poštanske usluge sa dodatnom vrijednošću.

Za obavljanje nerezervisanog dijela univerzalnih poštanskih usluga niko Agenciji nije podnio zahtjev za izdavanje licence, mada su te usluge liberalizovane i nalaze se na slobodnom tržištu i pravni subjekti registrovani za obavljanje poštanskih djelatnosati mogu se obratiti Agenciji za izdavanje licence za obavljanje ovih usluga.

Agencija je u skladu sa Zakonom donijela podzakonske akte kojim je dodatano liberalizovano, ali i uređeno tržište poštanskih usluga tako da konkurencija na tržištu poštanskih usluga nije ugrozila univerzalne poštanske usluga nego je naprotiv davaocima univerzalnih poštanskih usluga pružena mogućnost tržišne utakmice u kojoj pobjeđuju inventivniji i inovativniji, a to neizostavno za proizvod mora imati kvalitetnije poštanske usluge.

Ono što je i dalje problem na tržištu poštanskih usluga je nepoštovanje zakonskih propisa kojima se reguliše oblast poštanskog prometa na svim nivoima organizacije vlasti, a na što mi kao Agencija ukazujemo u stalnim kontaktima sa entitetskim inspekcijama, entitetskim ministarstvima i državnim ministarstvom. Evidentan je problem samodostave računa i finansijskih izvještaja ili dostavu istih vrše nelicencirani pravni subjekti.

No uređenje tržišta je proces, i bez obzira na velike kvalitativne korake predstoji još dosta toga da se učini kako bi se otklonili nedostaci.

II. AKTIVNOSTI NA PODZAKONSKIM AKTIMA

Donešena je „Metodologija za obračun troškova završne faze u međuoperaterskom poštanskom prometu i terminalnih i tranzitnih troškova u međunarodnom poštanskom prometu“ koja je objavljena u („Službeni glasnik BiH“, broj, 52/11).

Donešena je „Odluka o jedinstvenoj tarifnoj politici za rezervisane poštanske usluge“ na području Bosne i Hercegovine, na koju je Ministarstvo komunikacija i transporta Bosne i Hercegovine dalo saglasnost a ista je objavljena u („Službenom glasniku BiH“, broj, 59/11).

Završena je aktivnost na izradi i primjeni Uputstva za uručenje sudskih pisama. Uputstvo je dostavljeno na mišljenje VSTV-u, Ministarstvu pravde Republike Srpske, Ministarstvu pravde Federacije BiH i Ministarstvu pravde Bosne i Hercegovine, nakon čijeg mišljenja će uslediti objavljivanje u Službenom glasniku Bosne i Hercegovine.

Pokrenuta je procedura za izmjenu Odluke o visini troškova za izdavanje licenci i visini godišnje naknade za obavljanje poštanskih usluga, koja aktivnost je u toku.

Predstavnici Agencije su intenziviranim kontaktima sa istovjetnim institucijama u okruženju, kao i participiranjem na forumima o poštanskoj regulativi SPS-a (Svjetskog poštanskog saveza) i CERP-a (Evropskog udruženja poštanskih regulatora) osigurali nova saznanja o ovim procesima, te se dodatno pripremili za poboljšanje zakonskih rješenja o predmetnoj problematici.

III. EUROPSKE INTEGRACIJE

Zakon o poštama Bosne i Hercegovine („Službeni glasnik BiH“ br. 33/05) je usklađen sa zakonodavstvom EU u dijelu koji se odnosi na osnivanje i rad državnog regulatornog organa (Član 22. EU direktive), jer je pomenutim Zakonom definisano da se u cilju obavljanja regulatornih funkcija u oblasti poštanskog prometa osniva Agencija za poštanski promet Bosne i Hercegovine.

Za približavanje Bosanskohercegovačke poštanske regulative EU standardima nužno je dodatno usklađivanje zakonskih rješenja sa Evropskim direktivama u cilju dalje liberalizacije tržišta poštanskih usluga. Agencija je u saradnji sa Direkcijom za evropske integracije

učestvovala u definisanju jednoobraznog prevoda poštanske terminologije a u cilju prevoda poštanskih direktiva EU i ostalih propisa koji regulišu oblast poštanskog prometa. Cilj koji treba postaviti je usaglašavanje zakonodavstva sa adekvatnom direktivom Evropske komisije.

Smjernicama koje su date Rezolucijom C-95- Zelene knjige Evropske ekonomske zajednice o poštanskim uslugama 1992 godine definišu se osnovni okviri razvoja poštanske djelatnosti na jedinstvenom tržištu Evropske zajednice u smislu oslobađanja od državnog uticaja i osposobljavanja da se na tržištu obezbjedi visok kvalitet poštanskih usluga.

Evropskim direktivama uspostavljena su zajednička pravila koja se odnose na obavljanje univerzalnih poštanskih usluga i uvjeti pod kojima se pružaju nerezervisane poštanske usluge, utvrđivanje standarda kvaliteta za univerzalnu uslugu.

Pored ostalog predstavnici Agencije održali su sastanak sa predstavnicima Evropske unije za razvoj trgovinske politike i kapaciteta u Bosni i Hercegovini EU-TPP, a predstavnici Agencije učestvovali su na sastanku kojeg je organizovao EU-TPP po pitanju primjedbi koje su od Agencije dostavljene Ministarstvu komunikacija i transporta BiH na radni materijal Bijele knjige o trgovinskoj politici – poštanske usluge.

Organizovan je sastanak sa predstavnicima iz Evropske komisije po pitanju pripreme izvještaja o napretku Bosne i Hercegovine u procesu Evropskih integracija, u okviru kojeg se dio koji se odnosi na ispunjavanje Evropskih standarda u domenu slobodnog kretanja usluga bavi i poštanski promet.

IV. PLANIRANI I REALIZIRANI PROGRAMSKI ZADACI

Svi programski zadaci koji su predviđeni planom rada Agencije za 2011. godinu su realizovani zahvaljujući, između ostalog, i dobroj saradnji Agencije sa državnim i entitetskim resornim ministarstvima i nadležnim inspekcijama za oblast poštanskog prometa.

Agencija je u saradnji sa drugim institucijama, preduzela određene aktivnosti na doslednoj primjeni zakonskih odredbi u obavljanju poštanskog prometa.


U cilju obavljanja regulatornih funkcija u oblasti poštanskog prometa, permanentno su inspekcijama dostavljani prigovori koji se odnose na problematiku kršenja Zakona o poštama Bosne i Hercegovine od strane privrednih subjekata koji ne posjeduju dozvolu za rad izdatu od Agencije, te privrednih subjekata od općeg javnog interesa koji nisu registrovani za obavljanje djelatnosti poštanskog prometa, a koji sami ili posredstvom drugih neovlaštenih pravnih subjekata obavljaju dostavu poštanskih pošiljaka.

Rezultat takvog rada su značajno uređenije tržište poštanskog prometa u odnosu na 2010. godinu, što je i osnovni zadatak Agencije.

V. BUDŽETSKA SREDSTVA

Agencija za poštanski promet BiH se finansira kombinirano, što znači da ostavaruje vlastite prihode po osnovu Odluke o visini troškova za izdavanje licenci i visini godišnje naknade za obavljanje poštanskih usluga, a dio sredstva je iz budžeta Bosne i Hercegovine.

Agencija za poštanski promet BiH je u 2011. godini ostvarila iznos vlastitih prihoda u iznosu od 793.895 KM što je u odnosu na 2010 godinu kada je ostvarila 752.451,00 KM više za 6%.



PREDSJEDATELJ VIJEĆA AGENCIJE

Eduard Sakota, dipl.ing.

**BOSNA I HERCEGOVINA
AGENCIJA ZA POŠTANSKI PROMET
BOSNE I HERCEGOVINE**



**БОСНА И ХЕРЦЕГОВИНА
АГЕНЦИЈА ЗА ПОШТАНСКИ САОБРАЋАЈ
БОСНЕ И ХЕРЦЕГОВИНЕ**

**IZVJEŠTAJ O IZVRŠENJU BUDŽETA AGENCIJE ZA
POŠTANSKI PROMET BOSNE I HERCEGOVINE
ZA PERIOD I - XII - 2011. GODINE**

**SARAJEVO februara 2012 god.
Broj:01-02-1-16-1-89-2/12**

Džemala Bijedića bb. PC Kumrovec Objekat B, 71000 Sarajevo, Bosna i Hercegovina
• Tel.: +387 33 721 640, • Fax: +387 33 721 650
Identifikacijski broj 4201229350005;

1. UVOD

Na osnovu člana 14 i 22 Zakona o finansiranju institucija Bosne i Hercegovine („Službeni glasnik BiH“ broj 61/04 i 49/09) i člana 21. Pravilnika o finansijskom izvještavanju institucija Bosne i Hercegovine („Službeni glasnik BiH“ broj 33/07 i 19/10), definisane su procedure i postupci izvještavanja i nadzora Budžeta Institucija Bosne i Hercegovine. U skladu sa Članom 13. Statuta Agencije, Savjet Agencije za poštanski promet usvojio je Odluke o privremenom finansiranju Agencije za poštanski promet BiH za period Januar-Mart, April-Juni, Juli- Septembar i Oktobar – Decembar - 2011 godine, a na osnovu Odluka Vijeća ministara BiH o operativnim mjerama za sprovođenje Odluka o privremenom finansiranju institucija Bosne i Hercegovine za period Januar-Mart i April-Juni, Juni-Septembar i Oktobar-Decembar-2011 godine. Parlamentarna skupština BiH je na 17. Sjednici Predstavničkog doma i Doma naroda usvojila Zakon o budžetu institucija Bosne i Hercegovine za 2011 godinu („Službeni glasnik BiH“ broj 12/12) koji će poslužiti kao osnova za izvještavanje u 2011 godini.

Primjenjujući modifikovanu knjigovodstvenu osnovu obuhvatanja prihoda i rashoda, izvještajem su obuhvaćeni prihodi Agencije i rashodi koji se odnose na period izvještavanja I-XII-2011 godine.

2. IZVRŠENJE BUDŽETA

Na osnovu člana 21. Pravilnika o finansijskom izvještavanju institucija Bosne i Hercegovine budžetski korisnici su dužni objasniti uzroke i posljedice predstavljenog razvoja ekonomskih veličina, a posebno odstupanje ostvarenih od planiranih veličina prihoda i rashoda po ekonomskim kategorijama.

U narednom pregledu prikazaćemo planirane i ostvarene prihode od naplaćenih regulatornih naknada po operaterima za period I-XII- 2011.godinu i sredstva budžeta.

PREGLED prihoda i finansiranja za period izvještavanja, Januar- Decembar - 2011.godine

Redni broj	Izvori prihoda	Ekonomski kod	Odobreni budžet za tekuću godinu I-XII 2011	Ostali vlastiti prihodi ostvareni U 2011 I-XII	Ostvareno za I-XII-2011.	Planirano u tekućem periodu I-XII -2011	Ostvareno u predhodnoj godini I-XII-2010	Index 6/7 %
1	2	3	4	5	6	7	8	9
1	JP BH POŠTA d.o.o.-SARAJEVO	734111			347.019	341.747	321.808	100
2	HRVATSKA POŠTA d.o.o.MOSTAR	734111			120.888	116.899	108.652	100
3	POŠTE SRPSKE a.d.B.LUKA	734111			156.365	198.804	183.037	100
4	Finansiranje iz budžeta institucija		348.573					
5	Naknada za obavljanje kurirskih usluga	734111			96.000	30.000	49500	105
6	Razgraničena potraživanja iz 2010.god	734111		73.643	73.643			
	UKUPNO		348.573	73.643	793.895	687.450	662.997	115

Ostvareni vlastiti prihodi, odnosno prihodi od godišnjih naknada po Odluci o visini troškova za izdavanje licenci i visini godišnje naknade za obavljanje poštanskih usluga u odnosu na plan Agencije izvršeni su sa 115%. Učešće budžetskih sredstava u ukupnom budžetu Agencije iznosi 34% dok 66% sredstava potiče iz samofinansiranja, odnosno vlastitih izvora.

3. IZVRŠENJE RASHODA I ANALIZA Odstupanja

Tabela 2

Redni broj	Rashodi budžeta po ekonomskim kategorijama	Ekonomski kod	Odobreni budžet za I-XII 2011.god.	Ostvarenje za I-XII -2011	Index % 5/4
1	2	3	4	5	
1	Bruto plate i naknade	6111	582.261	582.261	100
2	Naknade troškova zaposlenih	6112	104.428	104.428	100
3	Putni troškovi	6131	17.930	17.930	100
4	Izdaci telefonskih i poštanskih usluga	6132	19.898	19.882	100
5	Izdaci za ener i komunalne usluge	6133	17.543	17.543	100
6	Nabavka materijala	6134	7.714	7.714	100
7	Izdaci za usluge prevoza i goriva	6135	10.611	10.611	100
8	Troškovi zakupa	6136	115.512	115.512	100
9	Izdaci za tekuće održavanje	6137	8.134	8.134	100
10	Izdaci za osiguranje i trošk platn prom.	6138	5.126	5.785	113
11	Ugovorene i druge posebne usluge	6139	19.373	19.373	100
12	UKUPNO TEKUĆI RASHODI		908.530		100
13	KAPITALNI IZDACI				
14	Nabavka opreme	8213			
15	Nabavka ostalih stalnih sredstava	8214			
16	SVEUKUPNO (12+13)		908.530	909.173	100,07

Ukupno izvršenje rashoda za razdoblje I-XII-2011.godine u odnosu na odobrena sredstva budžeta za I-XII-2011.godine iznosi 100%. Ili 909.173 KM. Razlog za ovako izvršenje ukupnih tekućih rashoda stoji u činjenici da je Zakonom o budžetu institucija Bosne i Hercegovine („Službeni glasnik BiH“ broj. 12/12) odobren budžet institucijama BiH je ostvareni budžeta za 2011 godinu zaključno sa danom knjiženja 10.02.2012 godine. Agenciji za poštanski promet BiH odobren je budžet za 2011 godinu u iznosu od 908.530 KM a ostvaren je 909.173. KM ili 100,07%. Razlika između odobrenog i ostvarenog budžeta u 2011 godini od 643 KM je nastala kao posledica knjiženja poslovnih promjena poslije 10.02.2012 godine.

4. ANALIZA TEKUĆIH IZDATAKA

4.1. Izdaci za plate i naknade

U periodu I – XII – 2011. godine za bruto plate i naknade zaposlenih utrošeno je 582.261 KM koji iznos čine plate 12 zaposlenih u Agenciji za 2011 godinu i jedna plata isplaćena za 9 mjeseci 2011 godine po osnovu produženog radnopravnog statusa 1. članu vijeća Agencije kome je istekao mandat u 2011 godini.

4.2. Izdaci za naknade troškova zaposlenih

Za naknade troškova zaposlenih u izvještajnom periodu izdvojeno je ukupno 104.428 KM, od čega je za prevoz za posao i sa posla utrošeno 10.694 KM, za smještaj 18.000 KM, za odvojeni život 13.583 KM, za topli obrok 20.873 KM, za godišnji odmor 7.292 KM, otpremnina za odlazak u penziju 24.251 KM, pomoć u slučaju smrti 2.270 KM i za poreze i doprinose na naknade 7.362 KM.

4.3. Putni troškovi

Za putne troškove u izvještajnom periodu izdvojeno je 17.930 KM, od čega je za troškove smještaja za službena putovanja u zemlji izdvojeno 409 KM, troškove dnevnica u zemlji 1.038 KM, putarinu, 64.KM, troškove prevoza u inostranstvu 4.289 KM, troškove smještaja na službenom putu u inostranstvu 8.049 KM i troškove dnevnica u inostranstvu 4.081 KM.

4.4. Izdaci za telefonske i poštanske usluge

U izvještajnom periodu za navedene izdatke izdvojeno je 19.882 KM, od čega je za fiksne telefone izdvojeno 8.716 KM, za mobilne telefone 7.194 KM, za poštanske usluge 1.516 KM te za internet 2.456 KM.

4.5. Izdaci za energiju komunalne usluge

Za izdatke za energiju i komunalne usluge u izvještajnom periodu izdvojeno je 17.543 KM od čega je za električnu energiju izdvojeno 5.841 KM, za centralno grijanje 4.763 KM, za vodu i kanalizaciju 856 KM i za usluge održavanje čistoće 6.461 KM.

4.6. Nabavka materijala

Za nabavku materijala u izvještajnom periodu izdvojeno je 7.714 KM od toga za obrasce i papir 1.452 KM, za kompjuterski materijal 1.544 KM, za stručne knjige i literaturu 251 KM, za kancelarijski materijal 783 KM i troškove sitnog inventara 3.684 KM.

4.7. Izdaci za usluge prevoza i goriva

Izdaci za usluge prevoza i goriva u izvještajnom periodu realizirani su u iznosu od 10.611 KM od čega je za dizel gorivo utrošeno 9.522 KM, za benzin 724 KM, za motorno ulje 24 KM, za ostale troškove oko registracije vozila 151 KM i za prevozne usluge 190 KM.

4.8. Troškovi zakupa

Izdaci za troškove zakupa realizovani su u iznosu od 115.512 KM, od toga za zakup prostora 109.512 KM i za zakup parking prostora 6.000 KM.

4.9. Izdaci za tekuće održavanje

Za tekuće održavanje utrošeno je 8.134 KM, od čega za materijal za opravku i održavanje vozila 302 KM, usluge opravke i održavanja opreme 494 KM, usluge opravke i održavanja vozila 6.821 KM, i usluge pranja i parkiranja vozila 517 KM.

4.10. Izdaci za osiguranje i troškove platnog prometa

U izvještajnom periodu za osiguranje i troškova platnog prometa izdvojeno je 5.785 KM, od toga za osiguranje vozila 5.015 KM, za osiguranje zaposlenih 94.KM, za bankarske usluge 17 KM, korekcije tzv korektivno konto 659 KM.

4.11. Ugovorene i druge posebne usluge

Za ugovorene usluge izdvojeno je 19.373 KM od toga za usluge medija 234 KM, za usluge javnog informisanja 873 KM, usluge reprezentacije 14.703 KM, ostale usluge informisanja 893 KM, usluge za održavanje seminara 2.614 KM i ostale nepomenute usluge 56 KM.

4.12 Kapitalni izdaci


U izvještajnom periodu u skladu sa Odlukama o privremenim mjerama za sprovođenje Odluka o privremenom finansiranju institucija Bosne i Hercegovine za period Januar-Mart i April-Juni, Juni-Septembar i Oktobar-Decembar-2011, Agencija nije finansirala kapitalne izdatake.

5.ZAKLJUČAK

Na osnovu naprijed iznešenog može se konstatovati da se Agencija za poštanski promet Bosne i Hercegovine racionalno i odgovorno odnosila prema trošenju budžetskih sredstava. U periodu 01.01.-31.12. 2011. godine, zbog prelaska na privremeni način finansiranja Agencija nije ostvarila planiranu zaposlenost i planirano materijalno – tehničko opremanje, što je dovelo do pojave odstupanja stvarnih od planiranih veličina, prema odlukama o privremenog finansiranja na pojedinim budžetskim pozicijama rashoda.

Agencija za poštanski promet BiH je u 2011 godini utrošila manje 124.470 KM sredstava budžeta u odnosu na odobreni budžet za 2010 godinu a 86.431 KM manje u odnosu na odobrena sredstva za 2011 godinu, po odlukama o privremenom finansiranju institucija Bosne i Hercegovine za 2011 godinu. Pridržavajući se strogo instrukcija vezanih za smanjenje potrošnje po odlukama o privremenom finansiranju institucija BiH, Agencija je dovedena u poziciju da svake naredne godine smanjuje budžetski zahtjev u dijelu materijalnih rashoda, dok potrebe za upošljavanjem 5 izvršilaca radi popune usvojene sistematizacije i potreba za neznatnim kapitalnim ulaganjima nije realizovala ni u 2011 godini.

Sarajevo 29.02.2012 godine



PREDSJEDAVAJUĆI SAVJETA AGENCIJE

Delivoje Đerić
Delivoje Đerić dipl.eco